

第七、阿羅漢品

(軌道 07)

- 90 路行盡¹無憂，於一切解脫，斷一切繫^{xi}、縛^{fu}²，無有苦惱者。
- 91 正念奮勇者，彼不樂在家。如鵝離池去，彼等棄水家。
- 92 彼等無積聚³，於食如實知，空・無相解脫⁴——是彼所行境，如鳥遊虛空，蹤跡不可得。
- 93 彼等諸漏盡，亦不貪飲食，空・無相解脫——是彼所行境，如鳥遊虛空，蹤跡不可得。

¹ 路行盡：業已盡，即所謂：諸漏已盡，所作已辦，梵行已立。

² 繫縛：貪、瞋、戒禁取（邪因以為正因，邪道以為正道）、見取（持「常見」－永恆不滅的我或靈魂，或持「斷見」－凡事皆偶然、無因果）。

³ 無積聚：不再造業。

⁴ 空解脫：空無貪、瞋、癡。無相解脫：無貪等之相。

94 彼諸根寂靜，如御^{yù}者調馬，離我慢·無漏，為天人所慕。

95 彼已無憤恨，猶如於大地，彼虔誠堅固，如因陀^{tuó}揭羅^た，
如無污泥池，是人無輪迴。

96 彼人心寂靜，語與業寂靜，正智而解脫，如是得安穩。

97 無信⁶知無為，斷繫·因永謝⁷，棄捨於貪欲，真實無上士。

98 於村落林間，平地或丘陵，何處有羅漢，彼地即可慶。

99 林野甚可樂；世人所不樂；彼喜離欲樂，不求諸欲樂。



⁵ 因陀揭羅：門限，或說進城處安立堅固的柱子，象徵因陀羅（守護神）的所在。

⁶ 無信：聖者自證知，悟不由他。

⁷ 斷了繫縛，煩惱的因永遠謝滅。